

۷۷۷۷۷۷۷۷

سنة : ۲ محرم ۱۳۴۳ نموز ۱۳۴۰ صائی : ۱۵

دارالفنون

خبر فایز اولیٰ بن محمد علی

حقوق اقتصادیات

ایکی آبدہ بر نشر اولنور

مذرجات

قسم حقوق :

قضا صلاحیتک شخص وموقع اعتباریلہ تابع اولدیقی تجدیدات [جیل]
میراث ونفقہ ولی ووصیلہ اذن اعطاسی خصوصندہ صلاحیتدار اولان محکمہ . . . [رشید]
فرانسه حقوق مدنیہ سندہ علت نظریہ سی [صدیق سائی]

قسم اقتصادی :

استقراض و دیون عمومیه [مابعد] [عینی زاده حسن تحسین]

وثائق قسیمی :

واجبات قومیسینوفی ضبطنامہ لری
حقوق مؤسسہ سی تاریخی [ماردینی زاده ابوالعلا]

استانبول — مطبعة عامره

۱۳۴۰ — ۱۳۴۳

میراث و نفقه ولی و وصیله اذن اعطاسی خصوصاً صلاحیتدار اولان محکمه

۸ محرم ۱۳۳۶ ، ۲۵ تشرین اول ۱۳۳۳ تاریخی اصول محاکمات شرعیہ قرارنامہ سی « حصص ارثیہ نك تعییننه و اصول و فروع و زوجاتہ نفقه تقدیرینه و ولی و وصیلرینه اعطاسنه بالعموم محاکم شرعیہ بی تحریر ترکه خصوصاً ایسه نتیجہ معاملہ نك اقامتگاه محکمه سنده تمرکز ایتدیرلمسی « شرطیه متوفانك اقامتگاهی و محل وفاتی و متروکاتك بولندی بی محللر محاکمینی مشترکاً صلاحیتدار عد ایتمش ایدی .

۱۷ رمضان ۱۳۴۲ و ۲۱ مارت ۱۳۴۰ تاریخی « اصول محاکمہ حقوقیه و اصول محاکمات جزائیہ قانونلریله صلح و اجرا قانونلرینك بعض موادینی معدل قانون « ك ۱۳ نجی ماده سی مسائل میراث و نفقه و وصیله اذن اعطاسی و مناحات و مفارقات دعوالرینی رؤیت خصوصاً اصول محاکمات شرعیہ قرارنامہ سیله وضع ایدیلن احکامی محافظه ایتدی . ۲۵ تشرین اول ۱۳۳۳ قرارنامہ سی مارالذکر خصوصاتی رؤیت خصوصاً منحصراً محاکم شرعیہ نك صلاحیتینی قبول ایلدیکی حالده ۲۱ مارت ۱۳۴۰ قانونی خصوصات مذکورہ بی رؤیتہ محاکم اصلیه حاکمیری کی صلح حاکمیری دخی صلاحیتدار عد ایتمکده در . عدلیه وکالتجه انقرده اجتماعه دعوت ابدیلهرك قوانین عدلیه بی تعدیلہ مأمور ایدیلن قومیسیون ماده نك « نفقه تقدیرینه و حصص ارثیہ نك تعییننه و اذن اعطاسنه محاکم شرعیہ نك الفاسنه متدائر قانونك ایکنجی ماده سی موجبجه بالعموم بدایت محکمه لری هیئت و حاکمیریله صلح حاکمیری صلاحیتداردر « شکنده تحریرینی تکلیف ایتمش ایدی . ۱۰ ملت مجلسی عدلیه انجمنی « لایحه نك اساسنه و تکلیف اولنان ماده لرك روحنه مطابق « اولمق اوزره اجرا ایلدیکی تعدیلات عمیمیه میاننده ماده بی بروجہ بالا شکنده تصحیح ایتشد . شوا اعتبارله قانوناً قاعدۀ عمومیه دن مستثنا اولهرق ، نفقه ، حصۀ ارثیه تعیینی ، ولی و وصیله اذن اعطاسی خصوصاً سنده محکمه لرك صلاحیتی هیچ بر صورتده تعیین و تحدید ایدیلوب تورکیه نك بترن حاکمیری بو خصوصاتی رؤیت ایچون صلاحیتداردر .

اصول محاکمات حقوقیه بی یکیدن تنظیم ایچون استانبولده تشکیل ایدلمش اولان

قرميسيون عموميتله مسائل ميراثي رؤيته متوفانك اقامتگاهي محكمه سني صلاحيتدار عد ايدرك حصه ارثيه نك تعيينندن متولد اختلافاتك منحصرأ اشبو محكمه ده رؤيت ايدلسني قبول ايتمش و نفقه تقديرينه ايسه ، پك حرارتلي مذاكره دن صكره مدعي عليهك اقامتگاهي اولان محل محكمه سي ايله نفقه نك واجب اولديني محل محكمه سندن هربريني مشتركاً صلاحيتدار عد ايتشد . ولي ووصيله اذن اعطاسي خصوصند ايسه منحصرأ محجورك اقامتگاهي محكمه سني صلاحيتدار عد ايديور . نفقه ، حصه ارثيه تعييني ولي ووصيله اذن ، نكاح ايچون مراجعت ايدن كيمسهره مأذونيت اعطاسي خصوصاتنده بالعموم محكمه لك صلاحيتدار عد ايدلسنده كي اسباب موجب ايله بوبابده كي مطالعاتمزي ايضاح ايدلم .

۲۵ تشرين اول ۱۳۴۳ تاريخلي قرارنامه اسباب موجب مضبطه سندن تحرير تركه خصوصنك مسارعة و بركونا ضياع حقوقه محل قالمدين ايفاسي حقتده كي لزوم و ضرورت اقامتگاه ، محل وفات و متروكاتك بولنديني محالر محاكمك بوبابده صلاحيت مشتركه لرني قبوله سائق « اولديني و » ختام تحريري متعاقب هر محكمه جه بايبلان معامله نك نتيجة اقامتگاه محكمه سنده تمرکز ايتديرلسي لزومي تصريح اولنمق صورتيه بالنتيجه توحيد معامله اساسي ده تأمين « ايدليكي و » نفقه تقدير اولنان كيمسه نك من له النفقه يي شرعاً اتفاق واجب و من له النفقه نك من عليه النفقه نك جنس نفقه دن اموالي اخذ و تناولي مباح بولنمق حسيده حاكمك بوبابده كي حكمي حقيقه قضا اوليوب من له النفقه يه اعانه دن و ولي ووصيله اذن اعطاسي و حصص ارثيه نك تعييني كي خصوصات قسماً مواد مستعجله دن و قسماً مدعي عليه تحريسنه و اجراي مدافعه يه محتاج بولنميان معاملاتدن عبارت اولديغندن نفقه خصوصاتنده برنجي درجه يي اشغال ايدن زوجه و اصول و فروعه مقصور اولمق اوزره اذن و تعيين حصه خصوصلرنده على الاطلاق صلاحيت نقطه سندن تحديد مراجعه لزوم حس ايديله مديكندن خصوصات مذكوره يي رؤيت و ايفايه بالعموم محاكم شرعيه نك حائر صلاحيت اولملرنده بر محذر كوريه مامش و بالعكس بوتقديرده اصحاب مصالحه حد اعظمي تسهيلات كوسترلمش اوله جنبي « ملاحظه سيله دعاوي مبجونه نك توركيه محكمه لرندن مرهانيكي برنده رؤيت اولنه بيلمسي اساسنك قبول ايدليكي آكلاشيلمقده در .

كرك حصه ارثيه نك اثباتي و تعيين مقداري و كرك بعد الوفات انتقالدن منبعت دعوالر

ايله نفقه دعواى وولى ووصيله اذن اعطاسى خصوصاتى يكدىكرينه مائل اولمىوب
بالعكس احكامجه كلياً فرقى اولديغندن وهربرنده صلاحيت محكمه يي تعيينه سائق اولان

سبب وملاحظه عيني اوله ميه جفتدن هربرنى آرى آرى فقره لر ايله تحليل ايدم .
§ ۱۸ - مسائل ميراث . بر كيمه نك وفاتى اوزرينه اصحاب حق انتقالك اقامه ايدم جكي

دعوار يا حق انتقاله مالك يعنى متوفانك اموال متروكه سنه تماماً ويا قسماً بحسب الميراث صاحب
اولوب اولدق لردن متولد اولور ويا خود بوجهت منازع فيه اولقسز ين اموال متروكه نك

اره لر نده تقسيم ندن متولد اولور .
بزه كوره هرايكى نوع دعواي متوفانك اقامتكاهى اولان محل محكمه سنده جمع ايتمكه

بيوك بر فائده وضرورت موجوددر .
فى الحقيقه مع الاسف تطبيقاتده بك زياده مشهود اولان سوء استعماللره مانع اولمق

ايچون وراثت دعواي نيك خصم حقيقى مواجهه سنده اثباتى بر امر لازمدر . [۱] شوقدر كه
خصم حقيقى عموميتله ظن ايدلديكى وجهله متوفانك مديونلرى ويا مستودعلرى ويا امينلرى

اولمىوب بالعكس متوفانك اموال متروكه سنه خلفيت طريقيه واضع ايد بولنانلر ويا اوداعده
بولتان اشخاصدر . مدعينك دعواسنى قزانمى سنده ويا غائب ايتمى سنده هيچ برعلاقه سى

اولميان مديون ويا مستودعك بروجهاه خصم حقيقى اوله ميه جفى آشكاردر . تطبيقاتده عموميتله
حقيقى ويا فرضى مديونلر مواجهه سنده بر وارث بر محله اثبات وراثت ايتد كدنصكره كندى

وارث عد ايدن ديكرى ده ديكر بر محله ديكر بر مديون مواجهه سنده وراثت حجتى
استحصال ايتمكه وبوصورتله هرايكى اعلام آرمى سنده شايان اسف بر تناقض وجود بولمقدهدر .

بناء عليه وراثته استحقاق ادعائى بر مركزده طويلامق ضرورتى دركاردر .
قاعده عموميه تطبيق اولدقده اثبات وراثت دعواسنك ، علمينه خصومت توجه اولنان

وارثك يا وارثلردن برينك اقامتكاهى اولان محله رؤيت ايدلمسى لازم كلكله اشبو اقامتكاه
[۱] رمضان ۱۳۴۲ و ۲۱ مارت ۳۴۰ تاريخى قانونك ۱۳ نجي ماده سى اشبو لزمى تقدير

ايدمرك وراثت دعواي نيك خصم حقيقى مواجهه سنده مستقلاً ويا دعواى اصليه ضمننده اقامه سنى لازم
عدايتدر . بونكه برابر « خصم حقيقى بولاميان وجزئيات قيبلىدن اولان مطلوباتى دواثر ويا مؤساتدن

آماق ايچون بر وثيقه احتياجى اولان ناسه بر سهولت » ضمننده من القديم جارى اولان تعاملى دخى
بالايقا محله جه وراثتك كيملره منحصر اولدينى حقنده تنظيم قلنه حق علم و خبرك حاكملر طرفندن بالتصديق

عكسى ثابت اولنجيه قدر معتبر اولمق اوزره اثبات وراثت سندن ناميله اعطا ايديله بياهمه سنده جواز
ويرمكهدر .

محکمه لرندن برنده تقسیم میراثه متعلق مسائلک تمرکز ایتدیلمی موافق ظن اولنه بیلور ایسه ده متوفانک بشقه وارثی اولوب اولمادیغی انجق اقامتگاهی اولان محله سهولته قابل تحقیق و تعیین اولدیغندن وبالاخره ظهور ایدن وارثک ایسه اولجه حکمی اصدار ایدن محکمه نك بولندیغی محله قدر کلوب اعتراض ایتمکده مجبوری قبول ایدیه میه جکندن بو خصوصده صلاحیتی اک طبعی کوریلان محکمه متوفانک اقامتگاهی محکمه سیدر .

میراث مسئله سنده اموال متوفانک ضیاعدن محافظه سی خصوصده تدابیر موقتہ سربعه اتخاذ اولندقدنصکره وارثک میراثدن انتفاع ایتسینده میراث دعوالرینک بویوک برسرعتله حل وانتاجده ضرورت متحقق دکدر . بالعکس وفاتندن خبردار اولماسنه ویا اوزاق مسافه ده بولملرینه مبنی وقت وزمانیه مداخله ایده میان وارثلرکده محافظه حقوقی ولدی الحاجه مدعینک وراثت خصوصنده کی ادعاسنه قارشو اصحاب استحقاقک معارضه ومدافعه ده بولنه بیلملرینی ، برکله ایله ، تزویراتک تحدیدینی تأمین ایچون ایشده بر درجه بطائت کوسترمک لازمدر .

اثبات وراثت خصوصنده بالعموم محکمه لره صلاحیت اعطاسی حالنده بونقطه نظر محافظه اولنه میوب اموال متوفا ، تعیر معروفنجه ، قاپانک النده قالیر .

متوفانک اموال متروکسینک تقسیمنه کلنجه : تقسیمه متعلق بالعموم معاملاتک برمحکمه ده تمرکزی تأمین اولنه مازایسه ترکینک ایی وعادلانه برشکلده وارثلر ارسنده توزیع وتقسیمی ایچون امکان تصور اولنه ماز .

فی الحقیقه محله موجبنجه وقوانین غربیه ایله ده قبول اولندیغی وجهله ، تقسیم خصوصنده اول امرده متوفانک تجهیز وتکفینی ایچون ایدیلا مصارف تفریق وبعده دیونی قضا ایدلمک وبقیه اوزرندن ثلث مالنی بالتعین وصیتلرینی انفاذ ایتمک ایجاب ایدر . اشبو معاملاتک ایفاسیله وارثلر ارسنده تقسیم اولنه جق مقدار ترکه صورت قطعیه ده تثبیت اولندقدن صکره تقسیم معامله سنه باشلانور . اشبو معامله نك ایفاسی ایچون دخی ترکینی ترکیب ایدن اموال غیرمنقوله قسماً مساوی پارچه لره تفریق ولدی الحاجه نقود ایله حصه لر تعدیل اولنه رق وقرعه ایله وارثلرک حصه لری تفریق اولنق لازمکلمکده در . اشبو عقول ومنطقی اصول تقسیم ترک اولنه رق متوفانک بالعموم اموالک لاشی مثابه سنده برقیاتله الدن چیقاریله رق بدلنک تقسیم ایداسی ، بالخاصه مجبوریتلرینه بناء مزایدیه داخل اوله میان

وبعد البلوغ یوکسک فیا تله اکا مائل اشیایی اشترا مجبوریتنده قالان محجور لک حقوقی
 اضرار ایده بیلمسی جهته ، اقتصاد وعدالت اساساته بالکلیه مخالفدر .
 مجله نك ، یکی نظریاته تماماً موافق اوله رق قبول ایتدیکی بواصولک امکان تطبیقی انجق
 امر تقسیمک بر محکمه ده تمرکز ایتدیرلمسنه وابسته در . نته کیم اصول محاکمات شرعیه
 قرارنامه سی بوسبب موجب تأمل ایله تقسیمه متفرع بالعموم معاملاتک متوفانک اقامتکاهی
 محکمه سنده تمرکزینه لزوم کورمش فقط ضیاعدن محافظه ایچون تحریر ترکه خصوصنده
 بالعموم محاکم شرعییه صلاحیت اعطا ایتش ایدی . تطبیقاتده تحریر ترکه ، ترکه نك اوله
 تمهیر وبعده تثبیت وبعده فروختی استلزام ایدن بر معالیه تلقی اولندیغی جهته متوفانک
 متروکاتک بولندیغی مختلف محللر محکمه سنندن هربری بومعاملاتی انتاج ویا لکنز تقسیم
 نقود ایچون متوفانک اقامتکاهی محکمه سنه نتیجه اشعار ایدلمکده در . بصورتله متوفانک
 محال مختلفه ده بولنان اموالی عیناً تقسیم فوق العاده متعسر بولمقده در .
 بزه کوره ترکیبی برای محافظه تحت تمهیر آلمغه ضیاعندن قورقولان اتسامی همان
 بیعه متروکاتک بولندیغی محللر محاکمی و تقسیمه عائد خصوصیات سائره یی انکاله منحصرأ
 متوفانک اقامتکاهی محکمه سی صلاحیتدار عد ایتک لازم کلیر .

ننه کیم ۱۸۷۶ تاریخی صلاحیته متدائر بلچیکا قانونی ایتالیا قانونندن ملهم اوله رق
 ۴۷ نجی ماده سیله بوجه آتی دعوالری رؤیته میراثک آچیلدیغی محل محکمه سی صلاحیتدار
 عد ایتشد . ۱- اثبات وراثت ، تقسیم و تقسیمه قدر وارثلر اره سنده کی میراثه متعلق سائر
 دعوالر . ۲- میراثک انتقالندن اعتباراً ایکی طرفنده اولمق شرطیه وصیلر علیهنه بحسب الوصایه
 اقامه اولنان دعوی . ۳- تقسیمدن ایکی سنه طرفنده تقسیمک فسخ و بطلاننه و حصه لک
 تأمیننه [۵] متعلق دعوالر . ۴- بعدالوفات ایکی سنه طرفنده وصیلرک و متوفانک داینلرینک
 وارثلر علیهنه اقامه ایده جکی دعوالر .

اصول محاکمه قومیسیونی بو خصوصه متعلق ماده قانونیه یی حین تنظیمنده بلچیکا
 قانوننک اشبو ماده سی نظر دفته آله رق عینی اساسات داخلنده بوجه آتی بر ماده قبول
 ایتشد :

۲ § نفقه : اصول محاکمات شرعیه قرارنامه سی آنجق اصول وفروع وزوجاته نفقه

[۵] بر وارثک یدنده بولنان مالک بالاستحقاق ضبطی حالنده وارثک ترکیه رجوعی کی . که بوحالده

۱- ما که ۱۹۰۴ الکتی تأمین ولدی الحاجه تضمین ایله مکفدر .

تقدیری خصوصاً صلاحیت محکمه‌ی تقیید ایتماش اولدینی حالدہ ۲۱ مارت ۳۴۰ قانونی علی الاطلاق دها اوزاق اقربا آره‌سندہ دخی نفقه تقدیری ایچون صلاحیت محاکمی تحدید ایتمامکی موافق کورمکده در ، بوحال محتاج اتفاق بر حالدہ بولنسی طبعی عد اولنان من له النفقه نک من علیه النفقه نک بولندینی محله قدر اختیار سفر ضمنده طاقت و تحمیل اوله میه جنی مفروض اولسندن یعنی آکا قارشو قانونک بر نظر و شفقتدن ایلروکلمکده و یاخود اصول محاکمات شرعیہ قرار نامہ سنک اسباب موجبہ سندہ ارأه اولندینی وجهله بوبابده حاکمک ویره جکی قرارک حقیقتاً قضا اونیوب اعانه اولسندن ایلرو کلمکده در .

فقط پک بارز بر شکلدہ قاعده یه استثناء تشکیل ایدن بو حکمک حقیقی سببی نفقه نک من له النفقه نک بولندینی محل اعتباریلہ مصارفنک تأمینہ کافی مقدار اولدینی قبول اولنمقلہ ومن له النفقه ایچون من علیه النفقه نک مستودعی یدندہ بولنان بر مالی نفقه سی ایچون دعوی صلاحیتی طایغله ایضاح اولنه بیلیر . فقط بوتقدیرده من له النفقه نک اقامتکاهی محکمه سنک صلاحیتی اکلاشیله بیلیر ایسه ده من له النفقه نک کندی اقامتکاهی خارجندہ بر محلدہ اقامه دعوی صلاحیتنک قبولندہ کی اسباب موجبہ یی بر صورتله ایضاح ایدہ میورز . نفقه حقندہ ویریلہ جک حکمک اعانه اولسی ایلہ مسئله ایضاح اولنه مز . بر کیسه یی دیکری لهنه بروجیه ایلہ مکلف طوتان ومن له النفقه ومن علیه النفقه نک وضعیتی نظر دفته آلمق لازم کلان برقرار اعانه اولمیوب تام معناسیلہ تضادر .

نفقه دعوالرینک مدعی علیک اقامتکاهنک غیری هرهانکی بر محلدہ رؤیت ایدلسندہ عظیم محذورلر وارد .

اول امرده من له النفقه یی محتاج و بالعکس کنندیسندن نفقه طلب اولنان کیسه یی نفقه یی اعطایه مقتدر فرض ایتمکدن عبارت اولان و صرف دوشنبه دن استنباط اولنان دلیل ترک اولنمیلدر . نظریات وقاعدلر ، تطبیقاتده حادث اولان مختلف وضعیترک الک عادلانه ومنفعت اجتماعیه ایچون الک نافع بر شکلدہ حلنی تأمین ایتمک لازمدر . بواعتبارله واضع قانون نظرندہ یکدیگریله نفقه منازعه سی ایدن ایکی کیسه نک وضعیت مالیهلری قبل المحاکمه فرقلی عد اولنه ماز . من له النفقه اختیار سفر ایدہ میه جک قدرندہ فرض اولنور ایسه نفقه ویره میان من علیه النفقه نک ده عین وضعیتده اوله بیلیمسی قبول اولنمیلدر . مجرد من له النفقه نک وضعیتنه لوره نفقه تقدیری اساسی بالضروره یکی قانون مدنی لایحه سندہ قبول اولنه میه جقدر . فی الحقیقه بوکون اکثریت عظیمه آیدہ اوتوز قرق لیرا

ایله تأمین حیات مجبوریتده در . بهالی بر محیطده مستقلاً اتفاق واعاشه طلب ایدن پدر ووالده سی و احتمالکه مساوی اخلاقنه بناء ترك ایتدیکی ویا کندیسی بولندیی محله تعقیدن امتناع ایدن زوجہ سی ، بلکهده همشیره ودها اوزاق اقربالرینی اتفاق واعاشه به مدیونک اجبار ایدلسی وبونک ایچون مدیونک تکمیل واردات و سرمایہ سنک حجز ولدی الحاجه کندیسنک حبس ایله تضییق ایدلسی اک بارز بر عدالتسزلک اولدیغی درکاردر . احکام شرعیده لایقیله اکلاشدیغی تقدیرده هیچ بروقت من له النفقه نک ادامہ حیات ایدہ مامسی ضررینی آنک امثالی اولان من علیه النفقه نک وانک دها قریب اولان افراد عائلہ سنک ادامہ حیات ایدہ مامسی ضرریله اراله ایامشدر . مجله ماده : () دیگر طرفدن چالیشمیان برچوق اصحاب نفقه نک اعاشه سی ایچون مدیونک سرمایہ سی محو ایدیلہ ماز . چونکه سرمایہ نک محوی هم مدیونی و هم بالذات من له النفقه یی فقط براز تأخرله اضرار ایدر . سرمایہ لرك نفقه به تخصیصی نتیجه سی مملکتک فقر حالی تراید ایدہ جکندن بالنتیجه منافع عمومیہ دخی مختل اولور . ایسته بوکی اسباب موجبیه بناء بهر حال تعیین و تقدیر نفقه خصوصنده اول مدیونک ایرادی ، قزانجی ، بالفعل اعاشه ایلدیکی مقدار عائلہ سی ، بورجلری ، اجرای صنعتی ایچون ضروری اولان مصارفی حساب اولندقدنصکره قاله حق مقدار بتون من علیه النفقه لر آره سنده برنسبت عادلانده تقسیم اولنق ضروریدر . بتون بونلری تقدیر ایچون صلاحیتی اک طبیعی اولان محکمه ایسه آنجق مدیونک اقامتکاهی محکمه سیدر .

مدیونک اقامتکاهی محکمه سی قبول ایچون دیگر مهم بر سبب دها واردر . فقرینی بیان وادعا ایدن من له النفقه من علیه النفقه دن نفقه دعوا ایتمدن مقدم ، آنک بولندیغی محله قدر کدرك وکندیسنک عیناً اعاشه وانفاقنی طلب ایتمسی مقتضیدر . برکیمسه نک خانه سنده عیناً اتفاق مصارف اعتباریه دها سهیل اولدیغی کی حقیقتاً محتاج اولمیان و مجرد انتقام غرضیه حرکت ایدن من له النفقه لرك طلبلرینه ده بیوک برمانع تشکیل ایدر . بولندیغی محله اقامه دعوی و حجز صلاحیتی حازر اولان من له النفقه چوق کره من علیه النفقه نک غیوبتندن بالاستفاده تأمین حرص ویا انتقام ایچون حقیقتاً محتاج اولمدیغی حالده نفقه طلب ایدہ بیلرلر . کندیسنک موسر اولدیغی ، اوزاق بر محله ساکن اولسنه منی محکمه به کله میان من علیه النفقه ، اثباتدن چوق کره عاجز قالیر .

ثالثاً اختلافی تصادم ایدن من له النفقه دن من علیه النفقه ترجیح اولنلیدر . زیر اصلاحت

محکمه بی تعیین خصوصاً مدعی علیه برائت ذمتک اصل اولی قاعده بی اساس اتخاذ اولمش ایسه من علیه النفقه نک دخی من له النفقه یه نفقه بورجی اولدینی ویا انی اتفاق ایدمه جهک وضعیتده بولندینی فرض اولمایدیر. من له النفقه دعواسنی اقامه ضمننده محل آخره عزیزمتنده یا لکیز عزیزمت مصارفی غائب ایتدیکی حالدده من علیه النفقه اکثریت اعتباریه دعوانک بتون مدت دوامنجه ویا هیچ اولماز ایسه عزیزمت وعودت اثناسنده قزانجندن ده محروم قالمسی لازم کلمکده در. بناءً علیه بالنتیجه نقطه مشترکه اولان قزانج محو اولدینی کی مملکتده اوشخصک سعی و عملندن محروم قالمکده در.

بعضیلر «محافظة عفت و حیات» ایچون من له النفقه نک ایستدیکی محلدده دعواسنی رؤیت ایتدیره بیللمسی فکرینه صاحب اولمقده ایسه لرده مجرد النہ حق بر اعلام محکوم لهک حیاتی عفتی برکون بیلده محافظه ایدمه مز او آنجق قابل اجرا اولان اموالک بولنوب حجز اولنمی ایلده تحقق ایدر. بناءً علیه پک محتاج برحالدده قالان من له النفقه نک اولوم تهلکه سندن محافظه سی ایچون بوتدیره مراجعتی فائده سز اونوب بلکه بو درجه حال اضطرار ایدده بولنان کیمسه لرده حکومتجه اعانه ایدلمایدیر. اعانه ایدیله مدیکی صورتده ایسه بالضروره عیناً من علیه النفقه نک وفاتی، اموالک مجهول و کندیسکده حبس قبول ایتسی کی احوالده اولدیعی کی معاونت عمومیه آووچ اچار.

اصول محاکمه قومیسونی اشبو اسباب موجبیه قسماً نظر دفته آله رق تقدیر نفقه خصوصنده بالعموم محکمه لر صلاحیت اعطاسی اساسندن فراغت ایتشدیر. مع هذا محتاج نفقه اولان کیمسه نک ضرورته دوچار اولدینی ویا ده طوغریسی من علیه النفقه نک قانون مدنی احکامنجه من علیه النفقه بی اتفاق ایلده مکلف عدایتدیکی محلدده دعوانک رؤیتنه جواز ویرمشدیر.

ولی ووصیلرله اذن اعطاسی : قانون ولی ووصیلرله اذن اعطاسی خصوصنده بالعموم محکمه لر صلاحیت ویرمکه برابر ولی ووصی نک عزل و تعیین محاسبه اعطاسندن متولد دعوالرک رؤیتی ایچون صلاحیتدار برمحکمه تعیین ایتدیکنندن بو خصوصلرده تطبیقاتده بیوک بر اطراد سزلق واردیر. مسئله بی قوانین موضوعه نقطه نظرندن تدقیق مقاله مزک موضوعی خارجنده بولندیغندن ولی ووصیلرک عزل و تعیین وامور مودوعه لرینه متدائر دعوالرک هانکی محکمه ده رؤیت ایدلمسی موافق مصلحت اوله جفی مسئله سنی تدقیق ایدمه جکزر. فرانسه اصول محکمه سنک ۵۲۷ نجی ماده سی موجبنجه بوکی خصوصاته متعلق دعوالر

وصایتک کندیلرینہ تودیع اولندیفی محلدہ رؤیت اولنور . المانیادہ ۱۷ مایس ۱۸۹۸ تاریخہ قضای معاویت *juridictirn gracieuse* حقندہ نشر اولنان قانونک ۳۶ نجی مادہ سی موجبہ وصایت مسائلنک تدقیق وحلدہ ، وصایتک تشکیل اولندیفی کوندہ ، محجورک اقامتکھی اولان بایباز محکمہ سی صلاحیتداردر .

فی الحقیقہ مالی اداره اولنان محجورک ، اموالنه وضع ید ، حساباتی استحصال ضمنندہ ولیسنی اقامتکھی محکمہ سندہ تعقیب ایتسی وصی رسماً تعین وبالضرورہ محجورک اموالی اداره ایتش اولدیغنه نظراً کندیسنک وصی اولوب اولماسندن طولایی باختلاف تحدثنہ محل اولندیفی دیگر طرفدن امور وصایتی ایفاسیلہ ذمتنک حد ذاتندہ مشغولیتی طبعی اولندیفی جهتہ ذمتنه دینک تعلق ایتدیکی محلدہ اعطای حساب ایتمسندہ وصی حقندہ هیچ برمشکلات موجود دکدر .

صلاحیتی بوصورتله تعین ایدن محکمہ یه وصیلرک امورینہ متعلق بالجله دعوالری رؤیت ایتدیرمکده فوائد عظیمه واردر . اول امرده محجورک وضعیت مالیہ سی کندی اقامتکاهندہ معین وهر حالده اوراده سهولتله قابل تعین اولدیغندن ولی ووصی یه اذن اعطاسندہ او محل محکمہ سی صلاحیتدار عد اولتیلدر . فی الحقیقہ صغیرک برمالنی بیعه وصی یه مأذونیت اعطا ایدرکن حاکمک اول امرده صغیرک وضعیت مالیہ سنی تدقیق ایتسی لازم کلیر .

کذلک صغیر نامنه برمال اشترا ایدیلرکن یه بووضعیت نظر دقتدن دور طوتیلہ مز . صغیر نامنه استقراض خصوصندہ مأذونیت اعطاسی ایچوندہ وضعیت مالیہ سنک تدقیق لازمدر . ولی ووصی یه بالعموم محکمہ لک مأذون عد ایدلسی عملیاتده شونتیجه یی حصوله کتیررکه برحاکمک صغیرک وضعیت مالیہ سی اعتباریلہ مضر عدایده رک منع ایتدیکی برتصرفی وصی دیگر برمحکمہ یه مراجعت ایله ترویج امکانتی الده ایده بیلیر . وبوحالده تحقیقندہ ایسه مقررات محاکم اره سندہ برتناقضده وجود بوله بیلیر . بناء علیه امور ولایت ویا وصینک بر محل محکمہ سندہ تمرکز ایتدیرلسندہ پک بویوک بر ضرورت موجوددر .

اصول محاکمات حقوقیه قومیسونی تفصیل ایتدی کمز اسباب موجبیه بناء ومارالذکر المان وفرانسز قانونلرندن ملهم اوله رق امور صایت وولایتدن متولد بالعموم مسائلک حل وانتاجی خصوصندہ محجورک اقامتکھی اولان محل محکمہ سنی صلاحیتدار عد ایتشددر .

مصطفیٰ ربیب

اصول محاکمہ حقوقیه مدرسی